

- 2 hinum forna og ber hreppsnefnd þess hrepps að greiða hreppsnefnd Stokkseyrar-
10. jan. hrepps $\frac{2}{3}$ hins óendurgoldna styrks með 16 kr. 67 aur.

Þetta er yður hérmeð til vitundar gefið til leiðbeiningar og birtingar fyrir hreppsnefnd Stokkseyrarhrepps.

- 3 Bréf stjórnarráðsins til sýslumannsins í Suður-Múlasýslu um framfærslu
11. jan. óskilgetins barns.

Þér hafið, herra sýslumaður, með bréfi, dags. 16. nóv. f. á., sent hingað erindi hreppsnefndar Geithellnahrepps, þarsem hún áfrýjar til stjórnarráðsins úrskurði yðar, dags. 25. ágúst s. á., um ágreining milli sín og hreppsnefndar Eskifjarðarhrepps útaf meðlagi með óskilgetnu barni Petru Jónsdóttur, sem viðurkend er sveitlæg í Geithellnahreppi

Eftir þeim upplýsingum, sem liggja fyrir í skjölum málsins, er barn þetta fætt 12. febr. 1909 og hefir móðir þess lýst föður að því norskan mann, I. Tengs, sem var farinn burt héðan af landi þegar barnið fæddist, og hefir eigi síðan heppnast að fá vitneskju um verustað hans. Hinn 31. maí 1909 beiddist barnsmóðirin aðstoðar hreppsnefndar Eskifjarðarhrepps, sem var dvalarsveit hennar, til að koma barninu fyrir, en bauð að greiða meðlag að sínum hluta. Dvalarsveitin virðist svo hafa komið barninu fyrir fardagaárið 1909—1910 og krafði síðan framfærslusveitina um þann hluta meðgjafarinnar, sem móðirin greiddi eigi, en þessi hluti var 60 kr. fyrir téð ár. Þessa upphæð neitaði hreppsnefnd framfærslusveitarinnar að greiða, af því að engin skýrsla hefði verið tekin af barnsmóðurinni samkvæmt 64. gr. fátækralaga 10. nóv. 1905. Ennfremur heldur hún því fram til vara, að hún sé undir engum kringumstæðum skyld til að greiða nema $\frac{2}{3}$ hinnar umkröfðu meðgjafar. Málið var því lagt undir úrskurð yðar og var sá úrskurður kveðinn upp 25. ág. f. á., eins og áður er sagt. Í honum hafið þér komist að þeirri niðurstöðu, að framfærslusveitinni beri að endurgjalda Eskifjarðarhreppi alla hina umkröfðu upphæð, sökum þess, að styrkur þessi sé veittur vegna föðursins samkvæmt 9. gr. 2. lið nefndra laga og þá sé eigi skylt að taka skýrslu þá, sem ræðir um í 64. gr. sömu laga.

Á þessa skoðun yðar verður þó eigi fallist. Hinn umprætti styrkur getur eigi verið veittur samkvæmt 9. gr. 2. lið fátækralaganna, því að ákvæði þeirrar greinar eiga einungis við þegar meðlag er ákveðið á þann hátt, sem sjálf greinin mælir fyrir um, en eins og sést af hinu framangreinda er um ekkert slíkt ákveðið meðlag að ræða í þessu máli, enda meira að segja óvist, hvort hinn tilnefndi maður gengst við faðerni barnsins. Hið opinbera hefir því í þessu máli enn sem komið er eigi kröfu til framfærslu barnsins nema gagnvart móður þess og gagnvart framfærslusveit hennar þegar hún getur eigi greitt framfærslukostnaðinn. Allur fátækrastryrkur til framfærslu barnsins er því enn sem komið er fátækrastryrkur veittur móður þess. Um styrkveitingu vegna barnsföður getur

eigi verið að ræða. Það er því engum efa bundið, að framfærslusveit hennar 3
hefði borið að endurgjalda hinn veitta styrk, en að eins að $\frac{2}{3}$ hlutum, ef hrepps- 11. jan.
nefnd Eskifjarðarhrepps hefði veitt hann eftir löglegan undirbúning, en svo var
eigi, þar sem engin skýrsla var tekin af barnsmóðurinni samkvæmt 64. gr. oft-
nefndra laga. Með því nú slík skýrsla, samkvæmt 65. gr. sömu laga, er beint
skilyrði fyrir endurgjaldsskyldu framfærslusveitar, verður Eskifjarðarhreppi af
þessari ástæðu eigi úrskurðað endurgjald á umræðum styrk.

Því úrskurðast:

Hreppsnefnd Geithellnahrepps ber eigi að endurgjalda hreppsnefnd Eski-
fjarðarhrepps neinn hluta hinna umþrættu 60 kr.

Þetta er yður hérmeð til vitundar gefið til leiðbeiningar og birtingar
fyrir hreppsnefndum Geithellna- og Eskifjarðarhreppa.

Jafnframt skal það tekið fram, að það sést eigi af skjölum málsins, að
nægileg gangskör hafi verið gerð að því að finna heimili hins tilnefnda föður,
og ber yður því, ef móðirin eða önnurhvor téðra hreppsnefnda óskar, að halda
réttarpróf yfir barnsmóðurinni og senda þau síðan hingað með beiðni um, að
heimili téðs Tengs verði fundið og hann skyldaður til að greiða meðgjöf með
barninu, ef hann gengst við faðerninu. Verði þetta gert, mun stjórnarráðið sjá
um, að heimili hans verði fundið, ef það er auðið.

Bréf stjórnarráðsins til landssímastjórans um símskeytagjöld innanlands.

4

Samkvæmt tillögum yðar, herra landssímastjóri, í bréfi, dags. 29. sept. f. 21. jan.
á., hefir stjórnarráðið ákveðið, samkvæmt 8. gr. laga nr. 12, 20. okt. 1905, að
gjöld fyrir símskeyti innanlands skuli færð niður frá 1. febrúar næstkomandi og
vera svo sem hér segir:

Venjuleg skeyti 5 aur. fyrir orðið þó minst 1 kr. fyrir hvert skeyti.

Blaðaskeyti 2 $\frac{1}{2}$ eyr. fyrir orðið, þó minst 1 kr. fyrir hvert skeyti.

Innanbæjarskeyti 2 $\frac{1}{2}$ eyr. fyrir orðið, þó minst 50 aur. fyrir hvert skeyti.

Símapóstávisanir 1 kr. fyrir hvert skeyti.

Fjárhæðina fyrir hvert skeyti skal, er svo stendur á, færa upp á við,
upp í næstu tölu, sem deilanleg er með 5.

Þetta er yður hérmeð til vitundar gefið til leiðbeiningar, frekari aðgerða
og birtingar.